

կըն կուսակալին, և յորդորեցին զնա արկանել զՎրասն 'ի վերայ վանօրէից . և նորա կոչեալ զԹարգմանսն պատուիրեաց նոցա տալ բերել զԲեթղէնէ մցիս վասն խնդրոյ այժից, և 'ի չառնուլ նոցա յանձն, առաքեաց ինքն գրով զՎրասն ըստ Կոնստանտնուպոլսոյ, և նոցա ապստամբեալ ասեն, այս է բնական սովորութիւն մեր . զի Թէոփիլոսն սպանին 'ի մէջ զարս երիս, և մեք զայս գործեցաք, եւ յորովմ ժամանակի եկեալ իցեմք 'ի քաղաքն վասն դատաստանի : Գոն դատաւորք 'ի միջի մերում, առաջի նոցա դատիմք, և գարծուցին զնոսա ունայն յետս :

Մումուսալ կուսակալին սպառնացաւ 'ի գնալ իւրում 'ի Քերթոն՝ կործանել զգիւղն, և ունէր ընդ իւր քարտուղար զոմն ազգաւ Յոյն : Սորա կոչեալ զԹարգմանսն Յունաց եւ Լատինաց ստիպէր զնոսա տալ 2000 դահեկանս, առնուլ նաեւ ինչ 'ի Հայոց, և շիջուցանել զբարկութիւն կուսակալին : Իսկ նոքա չառին երբէք յանձն լինել միջամուխ յիրս գիւղականաց : Եւ կուսակալն բազմութեամբ զօրաց գնալ 'ի Քերթոն, և Բեթղէնէ մցիք պատրաստեցան կազմեալ զինուք . 'ի հասանիլ անդր, խաղացին զօրքն 'ի վերայ գեղջ, և գիւղականք դիմագրաւ ելին ընդ առաջ նոցա, և 'ի հարկանել զմիմեանս, 'ի պարտութիւն մատնեցան գիւղականք և փախուցեալ ամրացան 'ի վանօրայս : Կուսակալն մատնեաց յաւար զգիւղն զօրականաց իւրոց, եւ առաքեաց զմի ոմն 'ի պաշտօնէից իւրոց յերուսաղէմ, ածել անտի զփոխանորդս երից վանաց . զի եթէ ոչ կամեսցին գալ, ինքն կործանեսցէ զվանօրայս նոցա : Առ այս Հայք ետուն պատասխանի . պատիժն սահմանեալ է միայն ստահակաց, չունիմք զոք անդ ընդդիմակաց նմին, և 'ի բաց խորշիմք յապստամբաց, որք յայտնի են ամենեցուն թէ յորմէ ազգէ իցեն : Եթէ կամք նորա դրամ առնուլ իցէ, այլով եղանակաւ խնդրեսցէ . զի ոչ կամիմք երբէք արատաւորել զմաքուր անունս մեր առաջի Տէրութեան իրրեւ ապստամբ : Լատինք և Յոյնք խոստացան տալ նմա 20 քսակս դրամոց 'ի հոգալ զբանն . և նորա ելեալ գնաց տարեալ ընդ իւր և Թէոփանօթ մի . և ըստ հաշուի Լատինաց արձակեալ իցէ 180 ոսումրս, ընկեցեալ զերիս քարինս յորմոց վանացն Հայոց, և ծակոտիս բացեալ յաշտարակն